

تورک یوردی

74
(4)

ناشری : تورک یوردی
مدیری : آق چوره اوغلی یوسف

یل ۱۳۳۱ صانی ۴ ۲۳ نیسان ۱۳۳۱ ییل ۴ جلد ۸ صانی ۸۲

تورک یوردی

اون بش کونده بر چیقار

تورک لک فائده سنه چالیشیر

ییل ۴ - جلد ۸ - صافی ۴

۲۳ نیسان ۱۳۳۱

ادبیات

کونشه

« عثمانلیلر کونش کی شرقدن کلدی، اون صالدی؛
لایق دکل سونمک اوکا، تا کریندن نور آلدی. »

ای اسکی معبود، سنی بکله یورز؛ دنیا معبدینک قبه سنه چیق، پارلا!
کونش، سن چیق پارلا و دامارلرده دولاشان قانلری قیزیشدیر، آرتق!
یورکلرده یاتان غیظ و انتقام آتشاری تکرار پارلا سین... انتقام آتشاری
پارلارسه، کونش، او زمان ایمانمیزک کبه سی، جنک و جدالمیزک قبله سی ده
نورلانیر...

بوتون حق رسوللرینک دنیاسی آسیانک اسکی صاحبی تورکلر، ینه سنی
بکله یور، سنک طاتلی ایشیغکی، طاتلی صیجاقلغکی دیله یور، آلتایلردن،
آسیانک یاشاتان منبرلندن فیشقیرارق دالغالانه دالغالانه آلب داغلرینه قادار
آقین ایدن آلتین اردو، ناصل سنک ایزیکی تعقیب ایتدی و سنک ایزکده بر
اوغور بولدیسه، بزده شیمدی سنی بکله یور، سنک ایشیغکدن قوت آلیورز؛
سندن نجات اومیورز، ای اسکی معبود!..

وبز شیمدی سنک طوغوکه کلیورز، شانلی، وقور افقلرکدن چیق
یوکسل و پارلا... بوتون صیجاقلغکله پارلا وبزی بکله، ای کوکلرک آلتین
بریمی!.. سکا کلیورز، سنک دوغدوغک یرلر مقدس، مبارکدر؛ بز سکا
کلیورز. جهانی صارسان آلتین اردونک منبعی بوکون قوراق، غرب عالمی

آشیلايان تورکەر ، بو کون طوتساق اولدی ، توران ایلی بزی بکله یور ،
کلوب شله ته جکز .

سن سویله کونش ، یازیق دکللی تورانه ! یازیق دکللی که او ایللر خور
قالسین ، ظالم باشلر او یرلرده یوکسه لسین ... کونش ، سنک کبی شرقدن
غربه کلن و سنک کبی پارلایان اولو نسلمز آچالیرمی ، سوزمی هیچ !
ایشته یکیدن دوغوب یوکسه لیور و آنلی شانلی توران ایلی پارلاته جق ...

ای بوتون کوزه لکلرک یارادانی ، سن ناصل وارلغک ذره لرله دنیای
یاراندک ، ناصل ایشیق وسیجاقلفکله دنیا به رنگ و حیات و یردکه ، قلمرمزک
اوجاغنده یانان آتشد مظلوملری قورتاراجق ، ایمانمzk محرابنده پارلایان
کونشده تورانه حیات ، تورانه شان و یرمzk ویشه رته جک ...

ای کوکلرک خاقانی ، سن ینه آلتین طوغلرکله دوغ ، تختکه جیق !...
یدی طوغلی تورکەر ، آسیاده اسکلی یوللرینه دوشدیلر ، سن جیق ، قارلر
أریسین ، قانلر قیزیشسین ، سوکرا کوزمته بزی ... ایشته سنک طوغوکه
کلیورز ، توران جنتی اوراده در ، قیرمزی لاله باعجه لرینه کیرم جکز ...

آرتق پارلا ای کونش ، کونمز آیدین ، یولمز آیدین اولسون ... ایشته بز
سکا کلیورز ، سنک دوغدوغک افق محرابمز ، طولاشدیغک قبه نک آلتی
معبدمزد در ؛ تورانه کلیورز . سن تورانی سور ، أسیر کرسک دکللی ، کونش؟
بزده سنی اوزله دک !..

دنیا قورولالی بوکون قادار سویلمه مشدک ، سن ای بهارک سلطانی ...
بز حیاتده بوکون قادار سنی اوزله مه مشدک ... دیلمزده ، قلمزده بوکون
سن وارسک و مقدسسک ، سنی بکله یورز . تورکک روحنده تا کرینک ازی نوری
وار ، یولمز آجیق ، قبله مز بللی در . سن ده بویوک آتشکی یاقار ، قانلرمزی
ایصیتیرمهک ، توران جنتی چابوق آچیلیر ، عصر لرجه اول ، آلتین اردویه یول
کوسترن ، اسکلی معبود ، بوکون یکلی توران اردوسنده مشعله کی اوزا تمازمیسک؟

* *

کوک تا کری ، کونشه نور و یر ، آتش و یر ، قانمزی ایصیتسین بزم ...
قلمرمزک اوجاغنده مفکوره چلنکفی دوکویورز ، سن کونشه نور و یر ،

آله ویر آی یوچه تا کری ، یانسین و ایصیتسین بزی ...
 کونش ، تورکک خانی بوکون سندن شعله ، سندن قیویلمجیم بکله یور ؛
 قلیلمزک اوجاغی بونکله یانه جق و بز حدودلرده آتشدن فورطنه لر ، قاصیرغالر
 یاپه جغز ... ویر شعله کی آی سوکیلی کونش ، ویر ! سوکرا تختکده اوطورده
 سیر ایت بزی ...

۱ نیسان، ۳۳۱

مصطفی مازو

نامیخ

تورک تاریخنک دورلره تقسیم

تاریخ عمومی نی فرنک لسانلرندن عثمانلی ویا دیگر تورک لهجه لرینه نقل
 ایدنلر ، اوروپالیلرک قرون اولی ، قرون وسطی ، قرون اخیره وعصر حاضر
 تقسیمین عیناً قبول ایتشلردر. ذاتاً معروف تاریخ عمومی ، عمومی تاریخ اولمقدن
 زیاده اوروپا رومانو - جرمن ملتلرینک تاریخی اولدیغندن بو تقسیمه اعتراض
 ایدیله یه بیلیر .

تاریخ عمومیده شرقک سامی ، ایرانی و تورانی ملتلرینک تاریخیده ،
 غرب ملتلرینک تاریخی قدر یر طوتدیرمق ایسته نیلیر و اوبولده تدقیقاته
 کریشیلیرسه ، اوروپالیلر تقسیمین نظر تنقیددن کچرمک اقتضا ایدم جکدر .
 یوردلرینه ، ملتلرینه دونمک ایسته یین یهودیلر ، تاریخ عمومینک ، ملت یهود
 نقطه نظرندن دورلره تقسیمین ایچون اوغراشمقده درلر ؛ یافه جوارنده ،
 هرتسل نامنه ابدی بر آبدی کی دیکلمش مدرس هرتسل [۱] نک پروغراملرنده

[۱] هرتسلیه کیمنازیومی آلمان وروس ژیمنازلری طرزنده در ؛ بزم سلطانیه
 (لیه) لک نظری اوله رق اوقومس ، اوکرتهمسی لازمکلن موادی بالفعل اوقوتوب
 اوکرتهمکده در. جوق مقتدر ، پک جالیشقان وافرطله ملتپرور معلملر اداره سنده بولنان
 هرتسلیه ، طن ایدرم که فلسطینک الک مکمل مکتبیدر .